

Ingurugiroa

Eztabaida biziak
gaur Bunuzen
ingurugiroaz

L.E. / BUNUZE



Hartzeta eta Somporteko tunela eztabaidagai bizi izango dira gaur Bunuzeko Intxausetan egingo den 'Naturaren Festan'. Pirinioako Parke Nazionalako hartzak eta Somporteko tunelak piztu 'gerraren' partaideek mahaingurutan aurkituko dute elkar. Informazio zehatz eta gogoeta alderdikariek orain arte nahasi duten egoera, une honetan larri dago.

11.00etan Hartzaren gaia aipatuko da. Honen salbatzeko arazoaren atzean dago Parke Nazionalari kendu zaion 'Europako Labela' eta eskualdeko hautetsien haserrea. Berriketan Bielleko auzapezak, herriko artaldeak erasotzen dituen hartza hiltzea aipatu zuen. Jean Lassalle Kontseilaria eta Parkeko lehendakaria, Intxauspe diputatua RPREkoa eta Maitia PSEkoa dira hizlari, animalia ikertzaile eta babesle diren Caussimon, Besson eta Raffinekin.

15.00etan Harrapariak aipatuko dira, eta bereziki gure eskualdeko saiak. Harraparietaz arduratzen den FIR erakunde publikotik Lecomte etorriko da eta Kurutzarri, Saiak elkartetik. Beraiekin Hardouin Izpuratarra eta Devisse Organbideska elkarteakoa.

16.00etan Hondakin nuklearrak aipatuko dira, Angers diputatu ekologista, EDFeko ordezkari bat, eta Rufinoni Golfchen ikerketak egin dituenarekin.

17.00etan Lurralde antolakuntza, gaurko aktualitatearen bi adar nagusiek zehaztuko da: Itsas Bazterren antolaketa eta Aspeko tunela eta trenbidearen arazoa. Abeberri Miarritzeko hautetsia, Destrade PSEkoa, Colette Pince Pays Basque Ecologie elkarteakoa, Lissar Berdeetakoa, Sarraihet EMAkoa eta Bidart soziologoa mintzatuko dira. Bigarren lemaientzat SEPANSO Biarrokia eta CRELOC trenbidearen aldeko elkarteak hor dira DDE, Ekipamenduko Forgerie zuzendariarekin. Intxauspe diputatuak ere hor izan behar luke gai honen inguruan sortzen diren iritziak eztabaidatzeko.

Arratseko 9etan musikaldia izanen da Gilles Servat Bretainiako kantariarekin eta Michel Portal Jazzlari famatuarekin. Ekitaldi hau parada ezin aproposagoa izanen da, noski, gogoeten zabaltzeko. Arratsaldeko mahai inguruek, bestela bada ere, segida izanen dute gaueko musika saio haue-tan.

Iruñeko Alde Zaharreko Auzo
Elkartearen lokala arriskuan dago

Egoitza biharko hustutzeko eskatu dio Udalak erakunde honi

Iruñeko Alde Zaharreko Auzo Elkarteak lokalik gabe gelditu daiteke Udalarekin akordio batera heltzen ez bada. Nafarroako hiriburuko elkarterik zaharrenak, horrela, etenaldia izango zuen bere historia luzean, hori ekiditeko modu franko baldin bada ere.

A. BARANDARAN / IRUÑEA



Alde Zaharreko Auzo Elkartearen oraingo lokala, Jauruta kalean dagoena, bota beharrekoa da Iruñeko Plangintza Orokorren arabera, eta Udalak iganderako hutsik egon behar duela adierazi zion joan den astean Auzo Elkarteari. Hala ere, Udalak ez dio inolako alternatibarik eskaini beste lokal bat bermatzeko, eta Elkartekoek errekurtsioa aurkeztu diote Udalari, epe hau luzatzearen.

Atzo adierazi zuten, lokal zaharra botatzearen alde daude, «bere egoera kontutan hartu ondoren», baina beste lokal bat lortzeko eskarei Udalak «ez entzutearena» egin ziela salatu zuten. Elkartek lokal bat



Auzo Elkartek beste lokal bat nahi du berea botatzearen truke.

JOXE

ordaintzeko baliabiderik ez du, baina Alde Zaharrean, azaldu zuten, badaude aprobetxagarriak izan daitezkeen etxe asko.

Elkartek zinegotzi eta udal teknikariek elkartu eta elkarrizketatu da, eta bere ordezkariak azaldu zuten, «denak lokala lortzearen beharraz jabe dira». Hala ere, erabakia alkateak edo Maribel Beriain Hiritar Eragintza ordezkari zinego-

tziak hartu behar dute, eta «askotan hitzegiteko eskaera luzatu badiegu ere» oraindik ez dutela erantzunik jaso azaldu zuten.

Hain zuzen ere, zenbait lokalak proposatu dituzte Auzo Elkartekoek, eta haien artean, OSCUSekoa egokienetakoa zela adierazi zuten, «%10 erabilera bait du gaur egun». Beren esanetan, lokal asko hutsik daude bertan, «baina sartuz gero, arautegiaren zenbait aldaketak egin beharoko lirateke, gure lokalak erabiltzen dituzten taldeen iharduerari egokitu ahal izateko».

Caribera bidaiatzea dute
gustokoena nafarrek

IRUÑEA

Atzerrira bidaiatzeko orduan Caribera joatea eskatzen dute nafar gehienek. Santo Domingo eta Cancun (Mexico) dira nafarrek gustokoenak dituzten herrialdeak Iruñeko bidaia agentzia askotako arduradunek adierazi dutenez.

Florida, Thailandia, Mexico, Brasil, Caracas, Jamaica eta Europa erdialdeko herriak ere atseginak dira nafarrentzat. Espainiara bidaiatzeko orduan, Canarias eta Baleares irlak eta Costa Dorada-ra bideratu dira aurretik. Penintsula Iberiarrean barrera, hotel plazaren bat hutsik aurkitzen zaila da Kantauri itsas bazterreko herrietan. Zonalde honetako

hotel arduradunen hitzetan «plazak betetzeko ez dago agentzietara jo beharrik. Bestela ere, plaza guztiak betetzen dira». Zonalde honetan dagoen hotel eskasian legoke horren arrazoia. Gutxi daudenez plaza guztiak betetzen dira, Espainiako garestienetakoak izan arren.

Ezkontza bidaiari doazen gazteek jotzen dute batez ere, Santo Domingo eta Cancun-era. Bi herrialde hauetara joateko eskaria iaz hasi zen, orduantxe jarri bait ziren 'charter' hegaldialdiak eta, era berean, behera egin zuten prezioek. 140.000 eta 180.000 pezeta inguru balio du hamabost egunerako Caribera joateak. Hegazkina, luxozko hotela eta pentzio erdia sartzen dira prezioan.



Eguzkia eta hondartza dute gustokoa nafarrek.

Golfeko lanetako
zaindari bat tiroka
hasi da Basusarrin

XAN GOENAGA / BAIONA



Kanbotik Baionarako bidean, Basusarriko golfa eraikitzen ari den gunera hurbildu zen auto baten kontra tiroka hasi zen zaindari bat abuztuaren 6tik 7rako gauean, goizeko ordu batean.

Ipar Euskal Herriko hainbat gunen turistiko bezala, Basusarriko golfa gau eta egun zaintzen dute, eraikuntza lanetan ari diren enpresek ordainduriko begiraleek. Tiroka hasi dena, «Agence tous risques privés», berriki, uztailearen 22an Baionan muntatu zen begirantza enpresakoa da. Dirudienez, Ainzart azkaindar gazteak sortu enpresa horrek, ondasun garraioen zaintzeko agindua zuen baina ez tokien begiratzeko. Gau hartan beraz, zaindaria guztiz legez kanpo zegoen Basusarriko golfan.

Tirokatua izan zen autoaren bila dabil Polizia. Basusarriko golfa eraikitzen ari diren laneko tresnen aurka Iparretarrak taldeak jadanik bi atentatu burutu ditu. Begirantza enpresakoen iritziak, IK-koak liratekeen autoan ziren bi gizonak, poliziak aldiz ez du baztertzen, bidaiari arrunt batzuen aurka eraso egin zuenik zaindariak.

Iruñeko Udalak ez du AEKrekin
zuen kontratua berrituko

A.B. / IRUÑEA



Iruñeko Udalak bere funtzionariak euskalduntzeko AEKrekin zuen kontratua ez berritzeko erabakia hartu du, Santiago Cervera Zerbitzu Orokorretako ordezkari zinegotziaren bidez. Horrela, bi erakunde artean zegoen hiru urterako kontratua ez du segidari izango, eta hemendik aurrera, euskara ikasi nahi duten langileek Nafarroako Diputazioaren euskaltegiak erabiltzeko aukeratu dituzte ikasketak.

1989ko martxoaren zazpian sinatu zuten kontratua AEK-k eta

Udalak, eta aurretik zen bukatzekoa. Bertan, ehun bat langilek hartu dute parte azkeneko ikastaroan, egunero bi orduz. Udalak, kontratuaren arabera, ordu bat ordaintzen zien langileei, eta beste ordua ikasleek beraiek ordaindu behar zuten.

Ofizialki ez badu ezer ere jaso, AEK erakundeak horrelako erabakia har zezaketelako susmoa bazuen, baina oraindik ez du balorazioarik egin. Hala ere, Alfabetatzeko eta Euskalduntze Koordinatzaileak diru sarrera garrantzitsua galduko duela esan daiten.

BILBOKO UDALA
AYUNTAMIENTO DE BILBAO

ASTEBURUKO IHARDUERAK

Abuztuak 10, Larunbata

12.30ean: MUSIKA
UDAL BANDAREN
Kontzertua DEUSTON

Abuztuak 11, Igandea

Goizez: TXISTULARIEN
UDAL BANDA
URI ZAHARREAN12.30ean: MUSIKA UDAL
BANDAREN Kontzertua
Areatzako KioskoanSAILEKO ORDEZKARIA
KULTURA ETA TURISMO SAILA